

欽定續文獻通考

欽定續文獻通考卷九十四

王禮考

后妃命婦以下首飾服章制度

臣等謹按宋后妃命婦以下首飾服章制度寧宗以後可見於史者惟理宗紹定三年有出封樞庫緡錢二十萬製皇后褱衣事然亦無關於制度也若遼史所載自太宗大同元年正月入晉後惟太后與北班契丹臣僚用國服已見於君臣冕服門矣儀衛志載國服中之祭服皇后戴紅帕服絡縫紅袍懸玉佩雙同心帕絡縫烏韉小祀服之若臣僚命婦服飾則各從本部旗幟之色其可見者略如此

金制皇后冠服

花珠冠用盛子一青羅表青絹襯金紅羅托裏用九龍四鳳前面大龍銜穗毬一朶前後有珠

花各十有二及鸛鵲孔雀雲鶴王母隊仙人浮動插辦等後有納言上有金蟬鏤金兩博鬢以上並用鋪製滴粉縷金裝珍珠結製下有金圈口上用七寶鈿窠後有金鈿窠二穿紅羅鋪金款幔帶一褱衣深青羅織帶翟之

形素質十二等領襖襖並紅羅織成雲龍中單以素青紗製領織成黼形十二標袖襖織成雲龍並織紅縠造裳

八副深青羅織成翟文六等標襖織成紅羅雲龍明金帶腰蔽膝深青羅織成翟文三等領緣緞色羅織成雲龍

明金帶大綬一長五尺闊一尺

黃赤白黑標絲

六采織成小綬三色同大綬間七寶鈿窠施三玉環上碾雲龍拏金線織

成大小綬頭紅羅花襯大帶青羅朱裏紕其外上以朱錦下以綠錦紐約用青組拏金線織成帶頭玉佩二朶每

朶上中下璫各一半月墜子各二並玉碾鏤金打鈿獸面鈐鈎佩子各一水葉子珍珠穿綴青衣革帶用鏤金青

羅裏造上用金打鈿水地龍鵲眼銚尾龍口繫束子共八事以玳瑁襯金釘腳抹帶二紅羅青羅各一並明金造

各長一丈五寸，以青羅製白綾，裏如意頭，明金黃羅，準上用玉鼻珍珠裝綴繫帶，襖青羅表裏綴繫帶，二犀冠，減撥花樣，鑲金裝造，上有玉簪，一下有玳瑁盤一。

命婦之服

宗室及外戚并一品命婦衣服，聽用明金。

即大定二十年四月之制也。

期親雖別籍，女子出嫁並同。又五品以上

官母妻許披霞帔，惟首飾霞帔領袖腰帶許用明金。籠金間金之類，其衣服止用明銀象金及金條壓繡。正班局分承應帶官人雖未出職，係班其祖母及母妻子孫之婦同籍兄弟之妻及在室女孫姊妹並同。又禁私家用純黃帳幕，陳設若曾經宣賜，鸞輿服御日月雲肩龍文黃服五箇，鞘眼之鞍皆須更改。

婦人常服：婦人服襦裙多以黑紫上編繡全枝花，周身六襖，積上衣謂之團衫，用黑紫或皂及紺直領左衽，掖縫兩旁復爲雙襖，積前拂地後曳地，尺餘帶色用紅黃前雙垂至下。齊年老者以皂紗籠髻如巾狀，散綴玉鈿於上，謂之下道遙。此皆遼服也。金亦襲之。許嫁之女則服綽子，製如婦人服，以紅或銀褐明金爲之，對襟彩領，前齊拂地後曳五寸餘。金史輿服志曰：大定十三年制婦人首飾不許用珠翠鈿子等物，翠毛除許裝飾花環冠子餘並禁。

元制命婦服飾

衣服一品至三品服渾金，四品五品服金簪子，六品以下惟服銷金并金紗簪子。首飾一品至

三品許用金珠寶玉，四品五品用金玉珍珠，六品以下用金惟耳環用珠玉同。籍不限親疎，期親雖別籍并出嫁同。草木子曰：元朝后妃及大臣之正室皆帶姑姑高圓二尺許，用紅色羅蓋唐金步搖之遺制也。

臣等謹按元史輿服志不載后妃服色，卽命婦以下亦止見仁宗延祐元年定服色等第，中今詳如右。

明制皇后冠服

太祖洪武三年定受冊謁廟朝會服禮服，其冠圓匡，冒以翡翠，上飾九龍四鳳大花十二樹小。

花數如之兩博鬢十二鈿襖衣深青繪翠亦質五色十二等素紗中單黻領朱羅縠襖襖膝隨衣色以緞爲領緣用翟爲章三等大帶隨衣色朱裏紕其外上以朱錦下以綠錦紐約用青組玉革帶青襪青舄以金飾成祖永樂三年定制飾翠龍九金鳳四中一龍銜大珠一上有翠蓋下垂珠結餘皆口銜珠滴珠翠雲四十片大珠花小珠花數如舊三博鬢飾以金龍翠雲皆垂珠滴翠口圈一副上飾珠寶鈿花十二翠鈿如其數托裏金口圈一副珠翠面花五事珠排環一對皂羅額子一擋金龍文用珠二十一翟衣深青織翟文十有二等間以小輪花紅領襖襖襖織金雲龍文中單玉色紗爲之紅領襖襖襖織翟文十三蔽膝隨衣色織翟爲章三等間以小輪花四以緞爲領緣織金雲龍文玉革帶青綺緋描金雲龍文玉事件十金事件四大帶表裏俱青紅相半末純紅下垂織金雲龍文上朱緣下綠緣青綺副帶一綬五采黃赤白繡質間施二玉環皆織成小綬三色同大綬玉佩二各用玉珩一瑀一瑭二衝牙一瑱二瑀下垂玉花一玉滴二象飾雲龍文描金自珩而下繫組五貫以玉珠行則衝牙二滴與二瑀相觸有聲上有金鈎有小綬五采以副之繡質織成青鞵舄飾以描金雲龍皂純每舄首加珠五顆

皇后常服 洪武三年定雙鳳翊龍冠首飾釧鐲用金玉珠寶翡翠諸色團衫金繡龍鳳文帶用金玉四年更定

龍鳳珠翠冠眞紅大袖衣霞帔紅羅長裙紅褙子冠制如特髻上加龍鳳飾衣用織金龍鳳文加繡飾 永樂三

年更定冠以皂縠附以翠博山上飾金龍一翊以珠翠鳳二皆口銜珠滴前後珠牡丹二花八葉翠葉三十六珠

翠縷花鬢二珠翠雲二十一翠口圈一金寶鈿花九飾以珠金鳳二口銜珠結三博鬢飾以鸞鳳金寶鈿二十四

邊垂珠滴金簪二珊瑚鳳冠髻一副大彩霞帔衫黃霞帔深青織金雲霞龍文或繡或鋪翠圍金飾以珠玉墜子

珠龍文四襖襖子

即謂

深青金繡團龍文鞠衣紅色前後織金雲龍文或繡或鋪翠圍金飾以珠大帶紅綾羅爲

之有緣餘或青或綠各隨鞠衣色絲襖襖子黃色紅領襖襖裙皆織金采色雲龍文緣襖裙紅色綠緣襖織金采色雲龍文玉帶如翟衣內制第減金事件一玉花采結綬以紅綠綾羅爲結玉綬花一珠雲龍文綬帶玉墜珠六金垂頭花瓣四小金葉六紅綾羅繫帶一白玉雲樣玳瑁二如佩制有金鈎金如意雲蓋一下懸紅組五貫金方心雲板一俱鍛雲龍文襯以紅綺下垂金長頭花四中小金鐘一末綴白玉雲朵五青鞵烏與翟衣內制同

皇妃冠服

洪武三年定皇妃受冊助祭朝會禮服冠飾九疊四鳳花釵九樹小花數如之兩博鬢九鈿翟衣青

質繡翟編次於衣及裳重爲九等青紗中單黻領朱黻襖襖裙膝隨裳色加文繡重雉爲章二等以縠爲領緣大帶隨衣色玉革帶青鞵烏佩綬常服鸞鳳冠首飾釧鐲用金玉珠寶翠諸色團衫金繡鸞鳳不用黃帶用金玉犀又定山松特髻假鬢花鈿或花釵鳳冠眞紅大袖衣霞帔紅羅裙褙子衣用織金及繡鳳文永樂三年更定禮服九翟冠二以皂紩爲之附以翠博山飾大珠翟二小珠翟三翠翟四皆口銜珠滴冠中寶珠一座翠頂雲一座其珠牡丹翠櫻花鬢之屬俱如雙鳳翽龍冠制第減翠雲十又翠牡丹花櫻花各二面花四梅花環四珠環各二其大衫霞帔燕居佩服之飾俱同中宮第織金繡珠俱雲霞鳳文不用雲龍文

九嬪冠服

世宗嘉靖十年始定冠用九翟次皇妃之鳳大衫鞠衣如皇妃制

內命婦冠服

洪武五年定三品以上花釵翟衣四品五品山松特髻大衫爲禮服貴人視三品以皇妃燕居冠

及大衫霞帔爲禮服以珠翠慶雲冠鞠衣褙子緣襖襖裙爲常服

宮人冠服

制與宋同紫色圓領窄袖褙刺折枝小葵花以金圈之珠絡縫金帶紅裙弓樣鞵上刺小金花烏紗

帽飾以花帽額綴圓珠結珠鬘梳垂珠耳飾

皇太子妃冠服 洪武三年定禮服與皇妃同 永樂三年更定九翟四鳳冠漆竹絲爲匡冒以翡翠上飾翠翟

九金鳳四皆口銜珠滴珠翠雲四十片大珠花九樹小珠花數如之雙博鬘飾以鸞鳳皆垂珠滴翠口圈一副上飾珠寶鈿花九翠鈿如其數托裏金口圈一副珠翠面花五事珠排環一對珠皇羅額子一描金鳳文用珠二十一翟衣青質織翟文九等間以小輪花紅領襖襖襖織金雲龍文中單玉色紗爲之紅領襖襖領織翟文十一蔽膝隨衣色織翟爲章三等間以小輪花三以緞爲領緣織金雲鳳文其帶綬玉佩韞烏之制俱同皇妃 又洪武三年定常服犀冠刻以花鳳首飾釧鐲衫帶俱同皇妃四年定冠亦與皇妃同 永樂三年定燕居冠以皂紩爲之附以翠博山上飾寶珠一座翊以二珠翠鳳皆口銜珠滴前後珠牡丹二花八莖翠葉三十六珠翠纓花鬘二珠翠雲十六片翠口圈一副金寶鈿花九上飾珠九金鳳一對口銜珠結雙博鬘飾以鸞鳳金寶鈿十八邊垂珠滴金簪一對珊瑚鳳冠簪一副其大衫霞帔燕居佩服之飾俱同皇妃

親王妃冠服 受冊助祭朝會服禮服洪武三年定九翟四鳳冠永樂三年又定九翟冠制同皇妃其大衫霞帔燕居佩服之飾同東宮妃第金事件減一玉綬花璫簪花文

公主冠服 與親王妃同

世子妃冠服 永樂三年定與親王妃同惟冠用七翟

郡王妃冠服 永樂三年定冠用七翟與親王妃世子妃同其大衫霞帔燕居佩服之飾俱同親王妃第繡雲霞翟文不用盤鳳文

郡王長子夫人冠服 珠翠五翟冠大紅紵絲大衫深青紵絲金繡翟褙子青羅金繡翟霞帔金墜頭

郡主冠服 永樂三年定與郡王妃同惟減四珠環一對

鎮國將軍夫人冠服 與郡王長子夫人同輔國將軍夫人冠服與鎮國將軍夫人同惟冠用四翟抹金銀墜頭奉國淑人冠服與輔國將軍夫人同惟褙子霞帔金繡孔雀文鎮國中尉恭人冠服與奉國將軍淑人同輔國中尉宜人冠服與鎮國中尉恭人同惟冠用三翟褙子霞帔金繡鸞文銀墜頭奉國中尉安人冠服與輔國中尉宜人同惟大衫用丹礬紅褙子霞帔金繡練鵲文

縣主冠服 珠翠五翟冠大紅紵絲大衫深青紵絲金繡孔雀褙子青羅金繡孔雀霞帔抹金銀墜頭郡君冠服與縣主同惟冠用四翟褙子霞帔金繡鸞文縣君冠服與郡君同惟冠用三翟鄉君冠服與縣君同惟大衫用丹礬紅褙子霞帔金繡練鵲文

命婦冠服 洪武元年定命婦一品冠花釵九樹兩博鬢九鈿服用翟衣繡翟九重素紗中單黼領朱縠褙裙蔽膝隨裳色以緞爲領緣加文繡重翟爲章二等玉帶青鞵寫佩綬二品冠花釵八樹兩博鬢八鈿服用翟衣八等犀帶餘如一品三品冠花釵七樹兩博鬢七鈿翟衣七等金革帶餘如二品四品冠花釵六樹兩博鬢六鈿翟衣六等金革帶餘如三品五品冠花釵五樹兩博鬢五鈿翟衣五等烏角帶餘如四品六品冠花釵四樹兩博鬢四鈿翟衣四等烏角帶餘如五品七品冠花釵三樹兩博鬢三鈿翟衣三等烏角帶餘如六品自一品至五品衣色隨夫用紫六品七品衣色隨夫用緋其大帶如衣色四年以古天子諸侯服袞冕后與夫人亦服褱翟今羣臣旣以梁冠絳衣爲朝服不敢用冕則外命婦亦不當服翟衣以朝命禮部議之奏定命婦以山松特髻假鬢花鈿

真紅大袖衣珠翠感金霞帔爲朝服以珠翠角冠金珠花釵闊袖雜色綠絳爲燕居之服一品衣金繡文霞帔金珠翠妝飾玉墜二品衣金繡雲肩大雜花霞帔金珠翠妝飾金墜子三品衣金繡大雜花霞帔珠翠妝飾金墜子四品衣繡小雜花霞帔翠妝飾金墜子五品衣銷金大雜花霞帔生色畫絹起花妝飾金墜子六品七品衣銷金小雜花霞帔生色畫絹起花妝飾鍍金銀墜子八品九品衣大紅素羅霞帔生色畫絹妝飾銀墜子首飾一品二品金玉珠翠三品四品金珠翠五品金翠六品以下金鍍銀間用珠五年更定品官命婦冠服一品禮服用山松特髻翠松五株金翟八口銜珠結正面珠翠翟一珠翠花四朶珠翠雲喜花三朶後髻珠梭毬一珠翠飛翟一珠翠梳四金雲頭連三釵一珠簾梳一金簪二珠梭環一雙大袖衫用真紅色霞帔褙子俱用深青色紵絲綾羅紗隨用霞帔上施感金繡雲霞翟文鍍花金墜子褙子上施金繡雲霞翟文常服用珠翠慶雲冠珠翠翟三金翟一口銜珠結簪邊珠翠花二小珠翠梳一雙金雲頭連三釵一金壓髻雙頭釵二金腦梳一金簪二金腳珠翠佛面環一雙鐲釧皆用金長襖長裙各色紵絲綾羅紗隨用長襖緣襖或紫或綠上施感金繡雲霞翟文看帶用紅綠紫上施感金繡雲霞翟文長裙橫豎金繡纏枝花文二品特髻上金翟七口銜珠結餘同一品常服亦與一品同三品特髻上金孔雀六口銜珠結正面珠翠孔雀一後髻翠孔雀二霞帔上施感金雲霞孔雀文鍍花金墜子褙子上施金繡雲霞孔雀文餘同二品常服冠上珠翠孔雀三金孔雀二口銜珠結長襖緣襖看帶或紫或綠並繡雲霞孔雀文長裙橫豎並繡纏枝花文餘同二品四品特髻上金孔雀五口銜珠結餘同三品常服亦與三品同五品特髻上銀鍍金鴛鴦四口銜珠結正面珠翠鴛鴦一小珠鋪翠雲喜花三朶後髻翠鴛鴦二銀鍍金雲頭連三釵一小珠簾梳一鍍金銀簪二小珠梳環一雙霞帔上施繡雲霞鴛鴦文鍍金銀鍍花墜子褙子上施雲霞

鴛鴦文餘同四品常服冠上小珠鑲鴛鴦三鍍金銀鴛鴦二挑珠牌鑲邊小珠翠花二朶雲頭連三釵一梳一壓
髮雙頭釵二鍍金簪二銀脚珠翠佛面環一隻鑲釧皆用銀鍍金長襖緣襖繡雲霞鴛鴦文長裙橫豎繡纏枝
花文餘同四品六品特髻上翠松三株銀鍍金練鵲四口銜珠結正面銀鍍金練鵲一小珠翠花四朶後髻翠梭
毬一翠練鵲二翠梳四銀雲頭連三釵一珠綠翠簾梳一銀簪二大袖衫綾羅細絹隨所用霞帔施繡雲霞練鵲
文鍍花銀墜子襖子上施雲霞練鵲文餘同五品常服冠上鍍金銀練鵲三又鍍金銀練鵲二挑小珠牌細釧皆
用銀長襖緣襖看帶或紫或綠繡雲霞練鵲文長裙橫豎繡纏枝花文餘同五品七品禮服常服俱同六品其
八品九品禮服惟用大袖衫霞帔襖子大衫同七品霞帔上繡纏枝花鍍花銀墜子襖子上繡摘枝團花通用小
珠慶雲冠常服亦用小珠慶雲冠銀間鍍金銀練鵲三又銀間鍍金銀練鵲二挑小珠牌銀間鍍金雲頭連三釵
一銀間鍍金壓髮雙頭釵二銀鍍金腦梳一銀間鍍金簪二長襖緣襖看帶並繡纏枝花餘同七品又定命婦團
衫之制以紅羅爲之繡重雉爲等第一品九等二品八等三品七等四品六等五品五等六品四等七品三等其
餘不用繡雉二十四年定制命婦朝見君后在家見舅姑并夫及祭祀則服禮服公侯伯夫人與一品同大袖衫
用真紅色一品至五品紵綾羅六品至九品綾羅細絹霞帔子皆深青段公侯及一品二品金繡雲霞翟文
三品四品金繡雲霞孔雀文五品繡雲霞鴛鴦文六品七品繡雲霞練鵲文大繡衫領闊三寸兩領直下一尺間
縹紐子三末縹紐子二紐在掩紐之下拜則放之霞帔二條各繡禽七隨品級用前三後四墜子中綴花禽一四
面雲霞文禽如霞帔隨品級用笏以象牙爲之二十六年定一品冠用金事件珠翟五珠牡丹開頭二珠半開二
翠雲二十四片翠牡丹葉一十八片翠口圈一副上帶金寶鈿花八金翟二口銜珠結二二品至四品冠用金事

件珠翟四珠牡丹開頭二珠半開四翠雲二十四片翠牡丹葉一十八片翠口圈一副上帶金寶鈿花八金翟一口銜珠結二一品二品霞帔褙子俱雲霞翟文鈿花金墜子三品四品亦用霞帔褙子俱雲霞孔雀文鈿花金墜子五品六品冠用抹金銀事件珠翟三珠牡丹開頭二珠半開五翠雲二十四片翠牡丹葉一十八片翠口圈一副上帶抹金銀寶鈿花八抹金銀翟二口銜珠結子二五品霞帔褙子俱雲霞鴛鴦文鍍金鈿花銀墜子六品霞帔褙子俱雲霞練鵲文鈿花銀墜子七品至九品冠用抹金銀事件珠翟二珠月桂開頭二珠半開六翠雲二十四片翠月桂葉一十八片翠口圈一副上帶抹金銀寶鈿花八抹金銀翟二口銜珠結子二七品霞帔褙子褙子與六品同八品九品霞帔用繡纏枝花墜子與七品同褙子繡摘枝團花

品官之祖母及母以下冠服 洪武元年禮部尚書崔亮奉詔議定內外品官之祖母及母與子孫同居親弟姪婦女禮服合以本官所居職品級通用漆紗珠翠慶雲冠本品衫霞帔褙子緣襖襖裙惟山松特髻子許受封誥敕者用之品官次妻許用本品珠翠慶雲冠褙子爲禮服銷金闊領長襖長裙爲常服

士庶妻冠服 洪武三年定制士庶妻首飾用銀鍍金耳環用金珠釧鐲用銀服淺色團衫用紵絲綾羅紬絹五年令民間婦人禮服惟紫絕不用金繡袍衫止紫綠桃紅及諸淺淡顏色不許用大紅鴉青黃色帶用藍絹布女子在室者作三小髻金釵珠頭髻窄袖褙子凡婢使高頂髻絹布狹領長襖長裙小婢使雙髻長袖短衣長裙成化十年禁官民婦女不得僭用渾金衣服寶石首飾正德元年令軍民婦女不許用銷金衣服帳幔寶石首飾釧釧

宮中女樂冠服 洪武三年定制凡中宮供奉女樂秦鸞等官妻本色髻髻青羅圓領提調女樂黑漆唐巾大紅

羅銷金花圓領鍍金花帶皂韡歌童女樂黑漆唐巾大紅羅銷金裙襖胸帶大紅羅帔額青綠羅彩畫雲肩描金
牡丹花皂韡奏樂女樂服色與歌童同 嘉靖九年祀先蠶定樂女生冠服黑縐紗描金蟬冠黑絲纓黑素羅銷
金葵花胸稍大袖女袍黑生絹襯衫錦領塗金束帶白韡黑韡

教坊司樂妓冠服 洪武三年定明角冠皂褙子不許與民妻同教坊司婦人不許戴冠穿褙子衣服止用明綠
桃紅玉色水紅茶褐色

欽定續文獻通考卷九十五

王禮考

圭璧符節璽印

宋理宗寶慶三年九月加上寧宗皇帝徽號改製寶 寶式面廣四寸二分厚一寸五分蹲龍紐通高四寸一分四面鈎礪行龍

臣等謹按馬端臨考載宋之圭璧符節璽印終於寧宗嘉定十六年宋史與服志悉述之王圻續通考乃載十四年十五年事非追敘實贅述耳嘉定後所見惟寶慶三年九月一條志又載理宗端平元年四月京湖制置司以所獲金寶物來上令金臣參知政事張天綱辨識之其玉寶一乃金人上其太祖懿寶也其法物則有銷金盤龍紅紗綵繩一透礪雲龍玉帶一內方八指結頭一瑞尾一並玉連珠環玉束帶一上有金紐帶上玉事件大小不一鑲金結頭一鑲金小結繫一十八又玉紀載劍一鎗金玉事

一件二皮插袋一玉事件三天綱稱上項帶國言謂之免鶻皆其故主完顏守緒哀宗

一金龍環刀一紅紗綵靠枕一佩玉大環一皆非臣庶服用之物制旨冊一本舊作聖旨近侍局掌之以承受內

降指

降指揮故主援東漢光武故事令上書者不得言聖故避聖字改作制旨外有臣下虎頭金牌三銀牌十四塗金

印三及諸官署銅印三百一十二并附錄之 又按王圻續通考載理宗紹定二年趙至道奏申嚴皇城司給牌

之制賃牌往來者照闕入法庶九重之地威禁益嚴亦防微杜漸之一端從之寶祐二年詔皇太子授崇寧軍節

度使給忠王印景定三年以李璫效順賜金鍍銀印二以紀志不載姑附錄以備考
遼自約尼氏之世受印於回鶻至伊爾可汗請印於唐武宗始賜奉國契丹印

太祖神冊元年梁幽州刺史來歸詔賜印綬 是時帝受位約尼十年矣

臣等謹按帝紀是年四月晉幽州節度使盧國用來降梁遣郎公遠來賀不載梁幽州來歸事今從儀衛志

太宗會同九年十二月晉末帝表上傳國寶一金印三 天子符瑞於是歸遼是年破晉北歸得玉印於汴宮藏

隨駕庫

穆宗應歷二年詔用太宗舊寶

即得於汴京之玉印也

聖宗開泰十年七月遣百哩馳驛取石晉所上玉璽於中京

興宗重熙七年六月以有傳國寶者爲正統賦試進士 後天祚帝保大二年正月避金兵率五千餘騎幸雲中

遂遣傳國璽於桑乾河

璽印 傳國寶始自秦漢及魏唐後石晉亡歸遼自三代以來僭偽諸國摹擬私製歷代府庫所藏不一莫辨真

僞 玉印太宗得之於汴京 御前寶金鑄文曰御前之寶

以印臣僚宣命

詔書寶文曰書詔之寶

凡書詔批

契丹

寶受契丹冊特寶郎

金印

三晉帝所上其文未詳

皇太后寶

制未詳太祖天顯二年應天皇太后儀符寶郎等寶置皇太后座

右 皇后印文曰皇后教印 皇太子寶

未詳其制重熙九年冊皇太子儀中書令授皇太子寶

印 吏部印文曰吏部之印

以印文官制誥

兵部印文曰兵部之印

以印武官制誥

契丹樞密院契丹諸行軍部署漢人樞

密院中書省漢人諸行宮都部署印文不過六字

以銀珠爲色以上諸印並銀鑄以

南北王以下內外百司印

並銅鑄以黃丹爲色諸稅務以

符契 自遼呼爾氏八部用兵則合契而助不過刻木爲牌合太祖受命易以金魚 金魚符

七枚黃金鑄長每六寸各有字號每

魚左右判合之有事以左半先授守將使者執右半大小長短字號合同然後發兵事訖歸於內府

銀牌二百面長

凡刻以國字文曰立迎

又曰勅走馬牌國有重事皇帝以牌親授使者手劉給驛馬若干驛馬缺取他馬代法晝夜馳七百

里其次五百里所至如天子親臨須索更易無敢違者使回皇帝親受之手封牌印郎君收掌

木契正面爲陽

背面爲陰閤門喚仗則用之朝賀之禮宣徽使請陽面木契下殿至於殿門以契授西上閤門使云授契行勘勘契官聲喏跪受契舉手勘契同俛伏興鞠躬奏內外勘契同閤門使云准勅勘契行勘勘契官執陰面木契聲喏平身立少退近後引聲云軍將門仗官齊聲喏勘契官云內出喚仗木契一隻准勅付左右金吾仗行勘勘契官云合不合門仗官云合凡再勘契官云同不同門仗官云同亦再勘契官近前鞠躬奏勘官左金吾引駕仗勾畫都知某官某對御勘同平身少退近後右手舉契云其契謹付閤門使進入閤門使引聲喏門仗官下盤盤勘契官跪以契授閤門使上殿納契宣徽使受契閤門使下殿奉勅喚仗 木箭內箭爲雄外箭爲雌皇帝行幸還宮則用之勘箭官執雌箭東上閤門使執雄箭如勘契之儀

臣等謹按遼史統和元年正月以裕悅休格爲南京留守仍賜南面行營總管印綬十月命宣徽使蒲領等東討高麗賜旗鼓及銀符四年三月賜樞密使耶律斜軫彰國軍節度使雙寬印以趣征討四月命東京留守耶律摩灑林牙耶律穆瞻古蕭勤德領偏師助休格仍賜旗鼓雙寬印七年七月以伊勒希巴納閉威三部各四人益東北路來人布爾德仍給印綬遼之符印可見者如此至圭璧之制文不足徵惟冊皇太子儀皇太子遠遊冠絳紗袍秉圭又五代史晉開運四年正月遼太宗入汴二月朔通天冠絳紗袍執大圭視朝則知會同行漢禮後嘗用圭也

金太祖收國二年九月始製金牌 後又有銀牌木牌之制金牌以授萬戶銀牌以授明安木牌則穆昆所佩者故金初以空名宣頭付軍帥爲功賞遞牌卽國之信牌也

太宗天會元年十一月以銀牌給上京路軍帥實古訥富勒呼等 二年正月以銀牌十給宗望五月實古訥以所獲印綬二十二及銀牌來上八月詔增給六部都統達蘭銀牌十 三年三月鄂囉獻傳國璽以瑪克寶來附授印綬賜完顏羅索鐵券五月蕭巴錦獲遼寶玉來獻 四年七月出金牌命貝勒大吳以所領渤海軍入明安

爲萬戶 金史禮志曰金克宋遼獲宋玉寶十五金寶七印一金塗銀寶五玉寶受命寶一成開所得三寸六分文曰受命於天既臨

永昌相傳爲秦一玉並碧色鎮國寶一文曰永無疆又受命寶一文曰受命於天既臨永昌天子之寶一天子信

寶一天子行寶一皇帝之寶二皇帝信寶一皇帝行寶一皇帝恭膺天命之寶二分皆四寸八釐紐御書之寶二一龍紐

宣和御筆之寶一紐金寶并印天下同文之寶一紐御前之寶二御書之寶一宣和殿寶一皇后之寶一皇太子

寶一皇太子妃印一紐金塗銀寶皇帝欽崇國祀之寶一天下合同之寶一御前之寶一御前錫賜之寶一書

詔之寶一外有宋內府圖書印三十八內府圖書之印一御書三御筆一御書玉寶一天子萬年一天子萬壽一

綽一大觀寶篆一政和一宣和三宣和御寶一宣和中彰一宣和殿制一宣和大寶一宣和書寶二元圭一白玉

圭一十九 遼玉寶四金寶二玉寶連天萬歲之璽一受天明命惟德乃昌之寶一皆方嗣聖寶一御封不辨印

文寶一金寶御前之寶一書詔之寶一二寶金

熙宗皇統五年三月復更造金銀牌其舊者不傳

海寧正隆元年更鑄內外官印於後

世宗大定十八年十二月羣臣奉上天金受命萬世之寶 二十三年三月初製宣命之寶金玉各一 二十四年三

月尙書省進皇太子守國寶時帝將如上前授之 二十五年十二月命範銅爲禮信之寶 二十八年十二月詔皇太

孫攝政受攝政之寶

臣等謹按禮志十八年得美玉詔作大金受命萬世之寶其制徑四寸八分厚寸四分盤龍紐高厚各四寸六分考左光慶傳初御史大夫完顏璋請製大金受命寶有司以秦璽文進帝命以大金受命萬世之寶爲文詔閣門使左光慶篆之王圻續通考作康光慶考光慶乃企弓之孫淵之孫好古讀書善篆隸王圻以光慶前有康公弼傳遂誤以爲康氏 又按衛紹王紀至寧元年六月右副元帥呼沙呼謀逆尙宮左夫人鄭氏爲內職掌寶璽聞難端居璽所待變呼沙呼遣黃門入收璽鄭曰璽天子所用呼沙呼人臣取將何爲黃門曰今天時大變主上猶且不保況璽乎御史當思自脫計鄭厲聲罵曰若輩宮中近侍恩遇尤隆君難不以死報之反爲逆璽奪璽耶我死可必璽必不與遂瞑目不語黃門出呼沙呼卒取宣命之寶僞除其黨數十人官呼沙呼傳其時召符寶郎圖克坦福壽取符寶陳於大興府露階上盜用御寶出制除官又召禮部令史張好禮欲鑄監國元帥印好禮曰自古無異姓監國者乃止附載於此

章宗明昌四年七月命以銀改鑄禮信之寶仍舊以金 承安元年二月初造虎符發兵

宣宗貞祐三年七月定尙書所造諸符樞密院處宣撫司魚統軍司虎 四年二月詔皇太子守禮總樞務以金鑄撫軍之寶授

之

臣等謹按金史百官志載貞祐三年十二月以皇太子守緒控制樞密院詔鑄撫軍寶如世宗時制乃誤以四年

爲三年且不知鑄寶時哀宗尙未更名守緒也

鎮圭大圭 皇統九年十月禮部下太常書鎮圭式樣大禮使據三禮圖以進用之大定十一年太常寺言按禮大圭長三尺杼上終葵首天子服之自西魏隋唐以來大圭長以尺一寸與鎮圭同蓋鎮圭以鎮天下四鎮山爲節今其圭已依古制惟無大圭今御府有故宋白玉圭圓無上綑及終葵首自西魏以來所制玉笏皆長尺有二寸方而不折雖非先王之法蓋後世玉難得隨宜故也擬合以御府所藏行禮就用

臣等謹按宋白玉圭及元圭已見所獲玉寶內王圻續通考卽附於鎮圭大圭下誤也此與皇太子執桓圭條俱從輿服志錄之

皇太子執桓圭 長九寸廣三寸厚半寸用白玉若屋之桓楹爲二稜

寶玉 禮志曰凡天子大祀則陳八寶及勝國寶於庭所以示守也 國初就用遼寶皇統五年始鑄金御前之

寶一書詔之寶一大定十八年作受命之寶

見配

二十三年又鑄宣命之寶

經四寸二釐厚一寸四分高一寸九釐分字篆二分

所當用奏令所收八寶及皇統五年造御前之寶賜宋國書及常例奏日則用之書詔之寶賜高麗夏國詔并頒詔則用之十八年所造受命寶奉勅再議今所鑄金寶宜以進呈爲始一品及王公妃用玉寶二品以下用宣命之寶又有禮信之寶用銅歲賜三國禮物緘封用之

太皇太后皇太后皇后皇太妃寶 皆用金

皇太子寶 金鑄龜紐大定二十四年有司定其文曰監國帝命以守易監比親王印廣長各加一分

百官之印 太宗天會六年始詔給諸司印其前所帶印記無問有無新命悉上送官敢匿者國有常憲至海陵